

CONCLUSIONES
 PHILOSOPHICÆ
 PUBLICÆ DISPUTATIONI EXPOSITÆ
 A' CLERICIS REGVLARIBVS
 SUB FAUSTISSIMIS AUSPICIIS
 SERENISSIMI
 COSMI III.
 MAGNI HETRVRICÆ DVVIS



FLORENTIÆ. MDCIC.

Typis Vincentij Vangelisti Archiepiscopalis Typographi.
 SUPERIORUM LICENTIA.

CONCLUSIONES

PHILOSOPHICÆ

PRO DISPUTATIONIBUS

ACCLERICIS REGALIBUS

ACCLERICIS REGALIBUS

ACCLERICIS REGALIBUS

COSMII III

MAGNI HERETICAE DAVIS



ACCLERICIS REGALIBUS

ACCLERICIS REGALIBUS



SERENISSIME MAGNE

D V X.

ARduum honoris fastigium, sum-
 mumque gloriæ verticem per-
 tingere desiderans hæc mea
 Philosophia ad infimum solii
 Tui gradum, Sereniss. Magne Dux, pro-
 sterni humillimè exposcit. Nec eam votis
 suis difficilem me habere oportebat, cui eo
 modo suæ securitati, & honori optimè con-

fulere, eamque candidati sui vices plena devotionis debitæ submissione supplere exoptabam. Tuo augusto coronata nomine; quid illi gloriosius? Tuis regalibus devoluta pedibus; ubi illa securius? Patronū consequetur Principem, qui Principatu Magnus; Virtute Maximus; Cæteris Major; sibi soli par semper existit; Libenter modestiæ tuæ obtempero omittendo, quæ Tibi hic deberentur encomia; Non enim alium, quam Te ipsum habere potes condignum Laudatorem; Tunc satis laudatus ibis, quando ea, quæ agis, ostendes; Tunc ostendes, quæ agis, quando amplissima quæque facinora patefacies. Nihil tuum cogitat, qui nihil cogitat singulare, Tua solummodo conspiciuntur, quando percipiuntur Insignia. Officit sibi ipsi tua par prodigio pietas, eo laborat defectu quo res maximæ, ac summæ: quæ dum omnium mentem exsuperant, fidem, ac laudem, quam promerentur, non adinveniunt. Coronatam antiquitus Magni Ducatus gloriam, quam inclyti Majores tui. plurimum Regum, Summorumque Pontificum siri-

cto augusti sanguinis vinculo juncti, magno emerunt, & conservarunt merito, Tu maximo auges, ubi cæteri desierunt incipiens, ita ut dici possit, Te tot Regarum Progenitorum plausus minuere, dum proprios addis; Doces enim illorum singularissima gesta non respicere æqualitatem, immò incrementum; Taliter dominandi munere fungeris, ut omnes fateantur, Principatum ad sui ampliorem magnitudinem indigere COSMO, non verò COSMVM ad sui gloriam indigere Principatu. Omnium virtutum eximia facta adeo exornas, ut tantum possit tenebris offundere, quicumque studuerit laudibus illustrare. Nullius igitur sit laudare, qui laudatus decresceret; Nec enim laus est, ubi laus ipsa minuitur. Brevi non eget encomio, qui in sui admirationem universum excitat terrarum Orbem; Admirantur in Te Sapientiam Principes, Theologi Gratiā, Æquitatem Juridici, Naturam Philosophi, Mores Ethici; Poetas verò pudet se in tanti Principis Majestate talem intueri Heroem, qualem in fabulis suis fingere non valuerunt; Triumphato-

rem

rem suum in Te venerantur Rethores, qui cum se impares in actionibus tuis præstantissimis exornandis agnoscant in earum singulis partibus, singulos se se occupare posse, comprehendunt. Omnes tamen fatentur postremo, eorum singulos dicere posse, quod aliorum nullus attulerit; pauciora tamē ab universis esse comprehendenda, quam quæ unus fecerit COSMVS. Tuum igitur est iudicare, Sereniss. Magne Dux, cum tuis laudibus non sufficiant Vniuersi, nūm libenter præceptis modestiæ Tuæ obtemperarim, si de Te pauca dixerim, immo omnia prætermiserim. Hoc solum mihi superest ægrè ferendum, quod nimiae temeritatis reus arguendus videbor, qui eximium adeo Mecēnatem, uno verbo qui COSMVM Tertium isto quantumvis litterario, ideoque Tibi pergrato, levissimo tamen interpellarim munusculo. Dubium tamen est, num temeritatis labē inficiar, cum ad accessus mei argumentum, Tua suffragetur summa Clementia: Ingrati quidem animi notam subirem, si ea qua possumus obstrictissimi cordis testificatione, tuorū erga nos omnes me-

ritorum magnitudinem non ostenderem. Tua in nostram Congregationem promerita à numquam interrupta summorum beneficiorum copia adeo excrevere, ut plus nimio gravati, tanto cumulatae beneficentiae pondere oppressi onus sustinere minimè valeamus. Superhumana ergo qua soles benignitate Theatinæ Familię vectigal excipe; Nec minimum reputes munus, quod magnum ex offerentis obsequio, maximum ex acceptantis evadet humanitate. Suspice in paucis, quod possumus, multum quod vellemus tribuere, & ad nova Religioni, mihi que beneficia elargienda Tibi sit amplissimum argumentum. Diù vive ad universi terrarum Orbis admirationem, ad Sapientiæ præsidium, ad nostræ Congregationis Patrocinium.


Celsitudinis Tuæ Serenissimæ

Humill. Obsequentiss. atq; Addictiss. Servus
Jacobus Bonanni Cler. Reg.

E X

[The page contains faint, illegible text, likely bleed-through from the reverse side.]

Collection of the



EX LOGICA

I.

Datur Logica artificialis, quæ licet dividatur in Docentem, & Utentem, nihilominus habitus Logicz docentis non est realiter distinctus ab habitu Logicz utentis.

II.

Hanc Logicam Scientiam esse arbitramur non speculativam, sed practicam, necessariam quidem secundum quid ad alias Scientias comparandas tam in statu perfecto, quam imperfecto; non autem necessariam simpliciter ad illas adipiscendas in statu imperfecto, immò neque in statu perfecto.

III.

Pro obiecto materiali Logicz non res, neque voces, sed operationes Intellectus, pro formali verò earundem operationum dirigibilitatem, sive rectitudinem, ut inducibilem in operationes statuimus; ita ut operationes Intellectus ut dirigibiles sint obiectum attributionis Logicz.

IV.

Inter gradus Metaphysicos eiusdem entitatis non datur distinctio formalis ex natura rei media inter realem, & rationis, datur quidem distinctio virtualis; quapropter non dissentimur ab admittentibus præcisiones obiectivas inter gradus Metaphysicos eiusdem Physicæ entitatis.

V.

Nullum universale formale, sive Platonicum extrà singularia, sive Scotisticum inclusum in singularibus, sive etiam per

A

indif-

indifferentiam admittimus; dicimus tamen naturam posse universalem fieri per actum absolutum, & abstractivum. Intellectus illam præscindentem obiectivè à singularibus.

VI.

Universale in actuali prædicatione suam retinet universalitatem; item natura ab unico individuo obiectivè præcisa est universalis.

VII.

Universale ut sic dividitur in quinque prædicabilia; genus, speciem; differentiam; proprium, & accidens; respectu quorum se habet tamquam genus; definitionem generis communiter acceptam; quæ est unum aptum ad prædicari de pluribus differentibus specie in quid tamquam rectam definitionem admittimus.

VIII.

Nec genus requirit plures species; nec species plura individua actualia; licet tam genus plures species possibiles, quam species plura individua, prout sunt universale Logicum, & Metaphysicum requirant.

IX.

Differentiæ Superiores non includuntur formaliter in inferioribus; individua aded inter se differunt in ratione individi, ut dari nequeat conceptus communis univocus omnibus applicabilis, nec ulla ratio communis, in qua conveniant.

X.

Datur relatio prædicamentalis realis, quæ tamen, neque cum fundamento adæquatè identificatur, neque est accidens à fundamento distinctum; neque est modus superadditus extremis, sed nihil aliud est, nisi ipsum fundamentum, terminus, & ratio fundandi.

XI.

Veritas propositionis non est quædam relatio rationis facta ab Intel-

Intellectu reflectente supra actum iudicii, illumque comparante ad obiectum, neque est aliqua relatio realis prædicamentalis superaddita ipsi actui, sed veritas consistit in ipso actu iudicii, & in obiecto se habente, sicuti ab actu iudicii repræsentatur.

XII.

Propositio vera de obiecto contingenti, si importet tempus determinatum transire nequit in falsam, & è contra falsa transire nequit in veram; si autem importet tempus indeterminatum, tunc de falsa in veram, & de vera in falsam mutari posse censemus. Propositiones autem de futuro contingenti sunt determinatè veræ, vel falsæ.

XIII.

Præmissæ non influunt effectivè physicè in conclusionem, bene quidem effectivè moraliter; positis autem assensibus harum præmissarum, licet Intellectus necessitetur necessitate specificationis ad assensum Conclusionis eliciendum, non tamen necessitatur necessitate exercitij.

XIV.

Quando Intellectus assentitur Conclusioni, attingit aliquo pacto obiectum præmissarum. Demonstrationis præmissæ licet debeant esse veræ, non est tamen necesse, quod sint veriores Conclusionem.

XV.

Datur Scientia acquisita, quæ non est una simplex, & indivisibilis qualitas, sed est unus habitus totalis compositus ex pluribus habitibus partialibus illum integrantibus, qui habitus sumit suam diversitatem specificam à diverso obiecto formali, non verò à diversa abstractione à materia. Actus autem Scientiæ non repugnat simul cum actu opinionis in eodem Intellectu circa idem obiectum, immò nequè cum actu Fidei.

V

A

E X

EXPHYSICA.



Physica scientia speculativa est, quæ tamquam obiectum, non ens Mobile, sed pro materiali corpus respicit, pro formali verò eiusdem corporis naturalitatem, ita ut corpus naturale, ut naturale est, sit huius Scientiæ attributionis obiectum.

Corpus naturale non constituitur ex atomis, sed principia eius intrinseca in facto esse sunt materia, & forma; in fieri etiam nullum aliud præter ista duo cognoscimus proprium, & rigorosum principium; privatio enim, etiam si sit de conceptu mutationis non per hoc dicenda est propriè & rigoroze mutationis, sed corporis naturalis principium.

Materiæ primæ, quæ est primum Subiectum uniuscuiusque &c. non revocatur in dubium existentia, sed de facto dari fatemur, hæc licet non dicat actum physicum, dicit tamen actum Metaphysicum, & entitativum proprium, immò etiam propriam existentiam, non enim istam à forma emendicat; præcipue in nostra Sententia, in qua dicimus, quod existentia entis creati non est distincta realiter ut res à re, nequè ut modus à re ab essentia actuali eiusdem entis, sed existentia, & essentia actualis sunt unum, & idem.

Materia prima ad formas, quibus omnibus potest, saltem supernaturaliter spoliari dicit appetitum, ita tamen ut æqualiter appetat inæquales, non enim magis perfectas magis appetit, & etiam si concederetur formas corruptas, non posse naturaliter reproduci, tamen etiam ad illas extenderet suum appetitum naturalem.

Dantur formæ Substantiales, quarum aliquæ creantur, aliquæ verò

verò nempe materiales, licet non præexistant in materia, neque secundum se totas, neque secundum aliquas ipsarum particulas, tamen educuntur de illius potentia;eductæ autem non sunt tota quidditas compositi, sed tam materia, quàm forma ad quidditatem compositi pertinent.

VI.

In Viventibus præter animam etiam formas substantiales partiales, & subordinatas admittimus. Plures formæ totales, sive similes, sive oppositæ licet naturaliter non possint eandem numero materiam informare, possunt tamen supernaturaliter; plures autem formas totales disparatas non solum supernaturaliter, sed etiam naturaliter posse eandem numero actuare materiam defendimus.

VII.

Materia, & forma absque unionem, quæ sit modus quidam superadditus ab illis distinctus adinvicem nectuntur, & compositum constituunt, quod præter materiam, & formam, invicem communicatas, & collectivè sumptas nihil aliud importat; non enim est tertia aliqua entitas à materia, & forma simul sumptis distincta.

VIII.

Inter causas, sive eiusdem, sive diversi generis, physicè influentes in effectum implicat mutua causalitas secundum eandem rationem pro eodem instanti reali; non repugnat tamen eundem numero effectum non solum successivè, sed etiam simultaneè à duplici causa efficiente totali totaliter influente, produci.

IX.

Actio, & passio non sunt entitatulæ quædam distinctæ à causa, & effectum, undè tam effectus, qui essentialiter pendent ab hac numero causa, quàm illi, qui contingentè sunt potius ab hac, quàm ab illa causa, producuntur sine actione superaddita causæ, & ipsismet effectibus.

Neque

X.
Neque implicat accidens ; ut causam instrumentalem produ-
cere immediatè substantiam , neque implicat substantiam
creatam esse immediatè productivam , & accidentium , &
alterius Substantiæ :

XI.
Datur in Creaturis potentiâ obedientialis , per quam dicimus
posse creaturam elevari ad creandum ; immò dicimus esse
possibilem Creaturam , cui competat naturaliter facultas
creandi aliquod ens .

XII.
Deus concurrit immediatè cum causis secundis ad operandum ,
ad actus liberos naturales causarum secundarum non con-
currit præmotione physica , sed concursu simultaneo indis-
ferenti secundum se , tam ad actus bonos , quàm ad actus
pravos , ad quos , licet concurrat , non per hoc dicitur , ne-
que dici potest ullo modo Auctor peccati :

XIII.
Infinitum Categorematicum tam in quantitate continua , quàm
in quantitate discreta repugnat , sicut etiâ Creatura om-
nium possibilium perfectissimam .

XIV.
Quantitas , cuius essentia consistit in extraneitate partium ex-
trâ partes , non est accidens realiter distinctum a re quan-
ta . Continuum non coalescit ex partibus in infinitum di-
visibilibus , sed ex punctis finitis indivisibilibus .

XV.
Res est in loco absque iubicatione sibi ; & loco superaddita ,
sicut etiâ est in tempore absque duratione sibi ; & tempo-
ri superaddita ; verum licet nullum ex modis superadditis
admittamus , ut patet ex hoc , & alijs expositis assertis , ta-
men , quia contrariæ sententiæ quæ illos admittunt , non
carent

7
carent sua probabilitate, ideò non recusamus satisfacere
obiectis quæ adduci possunt contrà opiniones propugnantes
dari unionem superadditam inter materiam, & formam;
actionem inter causam, & effectus non essentialiter ab illa
dependentes, ubicationem, & durationem superadditas re-
bus in loco, & tempore existentibus.

XVI.

Plura corpora esse naturaliter in eodem loco implicat, licet
non implicet supernaturaliter; item idem corpus nequit esse
naturaliter in duplici loco adæquato, licet possit superna-
turaliter etiam circumscribitur.

XVII.

Natura ita abhorret à vacuo, ut naturaliter, saltem ad lon-
gum tempus repugnet; supernaturaliter potest dari, in quo
casu non repugnaret in illo motus localis.

DE COELO ET MUNDO.



Undus est compages ex Cælo, & Terra coagmenta-
ta: licet plures esse possint Mundi tamen de facto
est unus creatus à Deo in tempore, ita ut creari
non potuerit ab ætérno neque quoad entia perma-
nentia, neque quoad successiva.

Coelum nulla anima est animatum, constat tamen ex forma,
& materia eiusdem speciei qua constant sublunaria. Cæli
planetarum sunt fluidi, Cælum verò stellatum, seu firma-
mentum est omnino solidum.

III.

Stellas fixas, & Planetas ita à Sole luminis incrementa mu-
tuare, ut tamen ex se aliquid luminis possideant opinamur.

IV.

Sphæra est corpus solidum, unica superficie, comprehensum, ad quam ab uno intra figuram puncto, idest centro omnes rectæ lineæ ductæ sunt æquales; alia est naturalis; alia artificialis.

V.

Sphæra naturalis est tota cœlestis machina sphæricam figuram habens; Sphæra artificialis, quæ etiam materialis dicitur, est instrumentum astronomicum ad sphære cœlestis similitudinem efformatum, in quo quidquid in Cœlo imaginamur, sive circulos, sive polos per materiales circulos sibi invicem coherentes exhibetur ad rerum notitiam facilius comparandam.

VI.

Hæc Sphæra artificialis dividitur in Aratheam, & Armillarem; prima est globus undequaque solidus, in cuius extrema superficie omnia, quæ sunt in Cœlo, ac præcipuè Stellæ fixæ describuntur; secunda est illa, quæ pluribus circulis ex solidiori aliqua materia factis intermixta totam primi mobilis doctrinam continet.

VII.

In hac Sphæra decem reperiuntur circuli sex maiores, qui secant totam sphæram in partes æquales, & sunt Æquator, Zodiacus, Meridianus, Colurus Solstitiorum, Colurus Equinoctiorum, & Horizon, & quatuor minores, qui secant sphæram in partes inæquales, & sunt Tropicus Cancræ, Tropicus Capricorni, Circulus Arcticus, & Circulus Antarcticus.

VIII.

Poli sunt duo cardines ex diametro oppositi, seu duo puncta axem terminantia. Axis autem est linea quædam, quæ ab uno Mundi cardine, seu polo per centrum telluris transiens in alterum polum terminatur, circa quam totam Cœlorum machinam intelligimus circumvolvi.

Zonæ

IX.

Zonæ sunt illa spacia, quæ reperiuntur inter unum, & alium circulum ex minoribus, cum autem isti circuli minores dividant Sphæram in quinque partes, quinque enumerantur Zonæ, quarum duæ sunt frigida, duæ temperata, & una torrida: quæ protenduntur à polis Mundi usque ad circulos Arcticum, & Antarticum sunt frigida; quæ protenduntur, vel quæ mediant inter Circulos Polares, & Tropicos Cancræ, & Capricorni constituunt duas Zonas temperatas; illa demum quæ protenditur à Tropico Cancræ ad Tropicum Capricorni includens in medio æquatorem dicitur Zona torrida.

EX LIBRIS DE ORTV, ET INTERITV.



Generatio Substantialis est productio termini Substantialis cum dependentia à causa materiali, generatio quæ involvit mutationem non postulat formaliter terminum à quo positivum.

II. Terminus formalis ad quem conversionis non est necesse, quod producat, sed sufficit quod uniatur materiæ in conversione compositi; terminus formalis à quo respectus conversionis compositi non est necesse quod desinat, sed sufficit quod separetur.

III. Terminus formalis à quo debet desinere in conversione unius formæ in aliam; terminus totalis ad quem debet produci in conversione unius Substantiæ in aliam, terminus totalis à quo conversionis debet desinere.

IV.

In corruptione formæ Substantialis non datur resolutio usque ad materiam primam.

V.

Ens permanens corruptum ex intrinseca sua natura non repugnat naturaliter reproduci.

VI.

Intensio non consistit formaliter in maiori expulsionem contrarij, neque consistit in hoc quod tollatur forma imperfecta, & alia perfectior educatur, neque in maiori radicatione qualitatis in Subiecto, sed fit per additionem gradus ad gradus in eadem parte Subiecti; & hi gradus sunt homogenei.

VII.

Elementa sunt quatuor Ignis, Aer, Aqua, & Terra. Primæ quatuor qualitates sunt Calor, Frigus, Siccitas, & Humiditas; Ignis & calidus in summo, & siccus in gradu excellenti; Aer & humidus in summo, & calidus in excellenti; Aqua & frigida in summo, & humida in gradu excellenti; Terra est sicca in summo, & frigida in excellenti.

VIII.

Probabile est Sphæram ignis esse sub concavo Lunæ.

IX.


Elementa non sunt formaliter, sed virtualiter in mixtis.

X.

Raritas consistit in maiori dilatatione pororum, densitas vero in eorundem constipatione.



EX LIBRIS DE ANIMA.



ANIMA est actus corporis physici organici potentia,
vitam habentis; est triplex Vegetativa, Sensitiva,
& Rationalis.

Omnes partes corporis solidæ; & principales sunt animatæ;
sanguis non est animatus.

Animæ omnes, sive brutorum perfectorum, sive imperfecto-
rum sunt divisibiles.

In sensibus internis dantur species impressæ, quæ sunt vicariæ
objectorum; concurrunt enim loco objecti in genere causæ
effectivæ ad eliciendas sensationes; huiusmodi species im-
pressæ dantur etiam in sensibus externis, & præcipuè in
potentia visiva.

Licet probabilissima sit Sententia Peripatetica, quæ admittit
colores reales, tamen potest sustineri, quod color nihil aliud
sit, quàm luminis reflexio.

In homine non reperiuntur tres animæ realiter distinctæ; ne-
que in generatione hominis datur animarum successio.

ANIMA rationalis in homine non est forma pure alitens, sed
forma informans, etiam prout rationalis.

Animæ eiusdem speciei sunt eiusdem perfectionis Substantialis.

LIBRUS DE ETHICA

Potentia animæ rationalis tam inorganicæ, quam organicæ secundum id, quod dicunt ex parte animæ non distinguuntur realiter ab anima, nec inter se.


X.

Intellectus ad efformandos suos actus Intellectionis utitur iisdem speciebus materialibus quibus utitur phantasia, unde per nos non datur Intellectus agens, cuius munus sit fabricare species spirituales, cum quibus postea concurrat Intellectus ad eliciendos actus spirituales.

XI.

Intellectio consistit in verbo mentis productio ab Intellectu absque actione superaddita.

EX ETHICA.



Thica est Scientia practica circa actiones humanas occupata; dividitur in Monasticam, OEconomicam, & Politicam.

II.

Actio humana est illa, quæ procedit ab homine, quatenus homo est: ad hoc ut actio humana sit bona tria necessario requiruntur bonitas obiecti, bonitas finis, & bonitas circumstantiarum.

III.

Quælibet actio in individuo debet esse bona, vel mala simpliciter.

IV.

Eadem actio non potest esse simul bona, & mala potest quidem eadem actio habere plures bonitates, vel malitias.

Volunt.

V.

Voluntas non potest velle malum sub ratione mali, hæc potest pati violentiam in actibus imperatis, non verò in actibus elicitis; violentia causat involuntarium simpliciter, sicut etiam Ignorantia; Metus verò causat involuntarium secundum quid, non verò simpliciter.

VI.

Passio est motus animæ sensitivæ per susceptionem boni, vel mali; undecim enumerantur passionēs: sex in appetitu concupiscibili, & quinque in irascibili. Appetitus concupiscibilis passionēs; tres versantur circa bonum; tres circa malum; quæ versantur circa bonum sunt amor, qui versatur circa bonum, ut conveniens; Desiderium, quod versatur circa bonum absens; Gaudium, quod versatur circa bonum præsens; quæ versantur circa malum sunt odium, quod versatur circa malum, ut disconveniens; Fuga, quæ versatur circa malum absens; & tristitia quæ versatur circa malum præsens.

VII.

Passiones appetitus irascibilis duò versantur circa bonum, sed consideratum ut arduum; aliæ verò circa malum; quæ versantur circa bonum sunt Spes, & Desperatio; Spes versatur circa bonum arduum absens, & possibile ad illud accedendo; Desperatio verò, quæ spei opponitur versatur circa bonum ab illo recedendo propter apprehensivam summæ difficultatis talis boni. Quæ versantur circa malum, sunt timor, qui est passio de malo futuro; Audacia timori opposita, qua pericula quis aggreditur cum spe victoriæ; Ira, quæ est passio ex præsentia mali cum desiderio ulciscendi.

VIII.

Virtus est perfectio potentie ad ultimum, vel optimum, vel est habitus bonus boni operativus dividitur in Intellectualem, & Moralem; primæ perficiunt Intellectum in ordine ad

cogni-

cognitionem veri, altera perficit voluntatem in ordine ad boni prosecutionem.

IX.

Virtutes Intellectuales sunt quinque; Intelligentia, Sapientia, Scientia, Prudentia, & Ars; Intelligentia est habitus perficiens Intellectum circa principia per se nota; Sapientia est notitia rerum præstantissimarum. Scientia est notitia rerum per causas certas, & evidentes; Prudentia est recta ratio agibilium, idest habitus rectificans rationem circa ea quæ sunt à nobis agenda; Ars est recta ratio factibilium, idest habitus rectificans mentem circa opera facienda.

X.

Virtus Moralis quadruplex est, Prudentia, Iustitia, Fortitudo, & Temperantia; Prudentia iam est definita, hæc etiam inter virtutes morales numeratur, quia licet essentialiter sit Intellectualis; tamen secundum materiam est moralis; ordinatur enim ad rectam voluntatem; Iustitia est constans, & perpetua voluntas ius suum unicuique tribuendi; Fortitudo est virtus animum firmans ad pericula præcipue mortis subeunda; Temperantia est virtus moderans appetitum circa delectationes bonorum sensibilium.

EX METAPHYSICA.

I.



Quædictum Metaphysicæ est ens, ut ens, cuius entis non datur conceptus abstrahens à positivo, & negativo, reali, & rationis.

II.

Datur conceptus entis realis, qui est univocè communis nedum Substantiæ, & accidenti; sed etiam Deo, & creaturæ.

III.

Potest dari præcisio quæ non sit mutua, atque adeo licet ens præscindat à differentiis, non bene inferitur ex hoc, quod etiam differentiarum præscindant ab illo. Utrum